



**JUNTA DEL VALLE DE AEZKOA
AEZKOAKO BATZARRE NAGUSIA**

31671 ARIBE (Navarra) · CIF: P3175000C
Tel: 948 76 43 75
jvaezkoa@infolocal.org
valledeaezkoa@gmail.com
www.aezkoa.org

Eguneko gaiak:

BILDUTAKOAK

Batzarreburaia: Karlos Bueno Reka

Batzarrekideak: Galarza Larrayoz, Maria Carmen – Merino Iriarte, Juan Esteban – Reta Trevejo, Leire – Santomá Vicens, Gonzalo.

LEHENA.- AURREKO BILKURAREN AKTA ONESTEA

Eragozpenik agertu ez denez, onetsita gelditu da 2021eko abuztuaren 24an egindako bilkuraren akta.

BIGARRENA.- ERLAN-PARAIOS IBILBIDEAREN PROIEKTUAREN ESLEIPENARI BURUZKO INFORMAZIOA.

Aezkoako Batzarre Nagusiak 2021eko abuztuaren 24an egindako osoko bilkuran onartu zuen lanen kontratazioa egitea, Kontratu Publikoei buruzko apirilaren 13ko 2/2018 Foru Legearen 81. artikuluan zenbateko txikiagoko kontratuetarako ezarritako prozedurarekin bat etorritik. Proposamena aurkezteko bost gonbidapen egin ondoren, eta adierazitako epea amaituta, aurkeztutako eskaintzak jendaurrean ireki ziren. Kontratazioaren aurrekontua 34.054,33 €-koa zen, BEZik gabe:

- Astobizkarrek egindako eskaintza: 31.995,00 €, BEZik gabe
- Ekilanek egindako eskaintza: 31.636,47 €, BEZik gabe
- Francisco Sarobek egindako eskaintza: 33.032,70 €, BEZik gabe

Kontratua Ekilan SLri esleitu zaio, proposamen merkeena izan delako, eskaintako zenbatekoan, alegia, 31.636,47€. Kontratazio-baldintzetan xedatutakoaren arabera, lanak bi likidazioen bidez ordainduko dira, dagozkion ziurtagiriak eta fakturak entregatu ondoren. Lehenengo likidazioa 2021eko urriaren 31rako izanen da, hamaika mila laurehun eta hogeita hamar euro eta berrogeita hemeretzi zentimokoa, eta esleipendunak eskaintako % 7,10eko baja aplikatuko zaio. Bigarren likidazioa, hogeita mila berrehun eta bost euro eta laurogeita zortzi zentimokoa, berriz, 2022ko uztailaren 30ean, esleipendunak eskaintako beherapenagatik ere murriztua.

Jakinarazi da lehenengo lanak hasi direla: obraren zuinketa egin da eta Nafarroako Mendi Kirol eta Eskalada Federazioarekin hitz egin da, etorkizunean ibilbidea homologatzeko. Hasierako proiektuari aldaketa txiki batzuk egitea erabaki da, besteak beste, ikaztegia beste leku batean jartzea, urtegiaren aurrean hain zuzen ere, argazkiak egiteko leku hobea baita. Informazio-paneletan QR kodeak agertzea pentsatu da, horien bidez ibilbideak ikusi ahal izateko. Erabaki behar da zenbat (edo zein) interesgune agertu behar diren paneletan: ikaztegia, pagadia, sarrera...

Osoko Bilkura jakinaren gainean gelditu da.

HIRUGARRENA.- GENERO INDARKERIARI BURUZKO AGERPEN INSTITUZIONALA

2003tik aurrera, emakumeonganako indarkeriari buruzko datuak jasotzen hasi zirenetik, 101 emakume eta 11 haur erailak izan dira Euskal Herrian. Zenbaki onartezin honen atzean izenak eta izanak daude. Erauzitako bizi proiektuak. Bereziki memorian gorde nahi ditugu, 2021ean zehar erail dituzten Erika Tavares, Conchi Gonzalez, Aintzane Pujana, Maria Pilar Berrio Jimenez eta Miarritzeko 75 urteko bizilaguna.

Urte honetan ere bereziki aipatu nahiko genuke, izebergaren punta diren erailketa hauetaz gain, ohikoak bilakatu direla gizonezkoek taldean egiten dituzten bortxaketei buruzko salaketa publikoak. Hala ere, eraso bakoitzaren aurrean, hauek salatu dituen Mugimendu Feminista saretu bat atera da kalera. Gaurko egunean ere, talde hauen lana eta ezinbestekotasuna azpimarratu behar dugu.

Urte luze hauetako lana izan da Indarkeriari maskara kentzea. Ez da lau zororen kontua. Sistema patriarkal sendo baten ondorioa baizik. Indarkeria matxistei buruz egindako makro inkestak datu larria mahai-gaineratu zuen: bi emakumetik batek indarkeria matxista pairatu du bere bizitzan zehar.

Istanbulgo Hitzarmena ekarri nahi dugu gogora, urte luzeetan zehar Mugimendu Feministak egindako Indarkeriaren ikuspegi zabalpena bildu zuen lehen tresna loteslea. Hitzez hitz esaten du "emakumearen aurkako indarkeriagatik" ulertu beharko dela giza eskubideen urraketa bat eta emakumeen aurkako diskriminazio modu bat, eta generoan oinarritutako indarkeria-ekintza guztiak izendatuko direla, emakumeentzat kalte edo sufrimendu fisiko, sexual, psikologiko edo ekonomikoak dakartzatenak edo eragin ditzaketenak, ekintza horiek egiteko mehatxuak barne, hertsapena edo askatasuna arbitrarioki kentzea bizitza publikoan edo pribatuan.

Azaroaren 25ean, nazioarteko tresna lotesle hau aintzat hartuta, emakumeen kontrako indarkeria mota guztien aurka gaudela adierazteko eguna da, eta, hori ez ezik, indarkeria sorrarazten duten eragile guztien aurka ere bagaudela esatekoa. Bizitza aske, seguru eta burujabeak eraikitzearen alde gaudelako.

Indarkeria matxistaren alderdi desberdinak identifikatzen jarraitzeko eguna da, jendartean normalizatuen dauden sotilenetatik hasita, hala nola ukitzeak; ahozko lizunkeriak; publizistek eta mass-mediak emakumeen gorputzari ematen dieten erabilerak; mezu eta adierazpen sexistak; janzkera, jendarte-sareen erabilera edo lagunartea kontrolatzea, eremu publikoa (eskolako patioak, jolastokiak, parkeak) askatasunez okupatzeko zailtasunak; edota emakume eta gizonen arteko berdintasuna zuzenean erasotzen dituzten administrazio-erabakiak. Bigarren estadio batean, sexu-erasoak eta eraso fisikoak egongo lirateke, eta, esparrurik bortitzenean, erailketak.

"Normaltasunera" bueltatzen ari garela zabaltzen ari den egun hauetan, Indarkeria Matxista pairatzen duten horientzat, ordea, ospatzeko normaltasunik ez dagoela adierazi beharrean gaude.

Gutariko bakoitzari dagokigu egoera hori aldatzea, eguneroko zereginetan hasiz, gure inguru hurbilenean jardunez. Eta gure kasuan, Aezkoako Batzarre Nagusiak horretarako beharrezkoak diren baliabide tekniko, ekonomiko eta politikoak aktibatzeke konpromisoa hartu behar du, berdintasun-unitateak sustatuz eta haiei laguntza eskainiz, berdintasun-teknikarien egonkortasuna edo kontratazioa bultzatuz, edota emakumeen

parte-hartzerako guneak sustatuz hala nola, emakumeen etxeak eta txokoak, ahalduntze-eskolak, jai parekideak eta abar.

Horregatik guztiagatik, indarkeria matxista gertakarietan funtzionamendu protokoloek erabiltzen dituzten mekanismo guztiak egokiak izatea da giltza; beti ere, indarkeria mota hau pairatzen duten emakumeen ahalduntzea helburu duten ikuspuntu batetik. Horretarako, instituzio publikoez gain, gai honetan adituak diren pertsonen eta mugimendu feministen parte hartzea beharrezkoa da ezarritako protokoloekin lagundu dezaten, eta azken batean, berdintasunezko etorkizun baterantz abiatu gaitzen.

Nabarmendu nahi dugu, azkenaldian, sare sozialetan eta espazio publikoetan, kide feminista askoren kontrako jazarpen handia ari garela ikusten. Ez da kasualitatea. Espazio publikoa hartu eta diskurtso eraldatzaileak mahai gaineratzen dituzten emakume feminista hauek jartzeari, antolatutako gorroto eta indarkeria matxista kanpaina baten ondorioa da. Ere digigitalean gertatu diren jazarpen kasu hauek gutxitzen joan dira, baina duten garrantzia eta emakume hauen jarduna eteteko duen asmoa salatzen garaia da. Horregatik, lerro hauek erabili nahi ditugu, espazio horietan dauden kideei haien lana eskertu eta alboan gaituztela esateko.

Mugimendu Feministak, egun honen bueltan antolatutako dituen mobilizazioetan eta ekimenetan parte hartzeko deia egiten amaitu nahi ditugu lerro hauek.

Horregatik guztiagatik, Aezkoako Batzarre Nagusiak erabaki du:

1.- Emakumeen Mundu Martxak indarkeria matxistari aurre egiteko sustatutako protokoloari eustea.

2.- 2022ko aurrekontuetako berdintasun kontu-lerroan murrizketarik ez egitea; aitzitik, berdintasun-unitateak sendotzeko eta indartzeko konpromisoa hartzea.

3.- Indarkeria matxistaren aurka zuzenean inplikaturako erloen eta profesionalen arteko lankidetzaz zaintzea, eta erakundeen arteko koordinazio egokia indartzeko, betiere sistematizazioa eta arreta-ibilbidearen hedapen egokia bermatuz.

4.- Larrialdi egoerarako alerta-mekanismoak indartzeko, erantzuna arintzeko eta bermatzeko.

5.- Nafarroako Gobernuari eta Nafarroako Berdintasunerako Institutuari eskatzea emakumeen eta gizonen berdintasunaren arloko aurrekontu-partidak handitzeko, berdintasun-zuzendaritzak eta epaitegi espezializatuak etengabe indartzeko eta indarrean dagoen legeria berrikusteko konpromisoa hartzeko.

6.- Indarkeria matxistarekin zerikusia duten baliabide, zerbitzu eta prozedura guztiak, administratiboak zein judizialak, publikoak, doakoak eta diskriminaziorik gabekoak izan daitezkeen bermatzeko deia egitea.

Halaber, Aezkoako Batzarre Nagusiak babestuko ditu (eta elkarlanean arituko da) Añamendi Gizarte Zerbitzuetako Mankomunitateak bultzatzen dituen mota hauetako kanpainak eta jarduerak:

- Indarkeria matxistak prebenitzeko eta salatzen kanpainak, hainbat eremutakoak (komunikabideak, enpresak, ikastetxeak...), Mankomunitateak eginak, eta izandako eraginaren ebaluazioa jasoko du.

- Ziberindarkeriari eta ziberjazarpenari aurre hartzeko eta horiei erantzuteko estrategiak, egungo indarkeria matxisten egoerari aurre egiteko.

- Herritarrentzat eta, bereziki, emakumeentzat dauden baliabideei buruzko informazioa eskuratzea.

- Neskei, gazteei eta emakume helduei zuzendutako ahalduntze-jarduerak, honako arlo hauetan: bikote-harremanak eta harreman afektibo sexualak, maitasun erromantikoak, sexualitate askeak eta abar, eta 10 urtetik gorako neskei eta nerabeei zuzendutako autodefentsa feministako tailer iraunkorrak barne.

- Bailarako mutilei eta gizonei zuzendutako ekintza bereziak, afektibitatea, harreman-ereduak, maskulinitate-ereduak, rol sexistak gainditzeko estrategiak eta parekotasuna lantzeko, bai eta horretarako programa espezifikoak aktibatzeke ere.

- Indarkeria matxistaren biktima diren emakumeen erreparaziorako eskubidearen alderdi guztien egia zabaltzeko, erreparaziorako, gizarte-laguntzarako edo berriz ez gertatzeko bermerako programa iraunkorrak abian jartzea, osasun-egoerara egokituta, hainbat eremutara zuzendutako protokoloak barne, memoria historikoa berreskuratzea, omenaldiak, jardunaldiak, tailerrak, ikerketak, zineforum-ekimenak, etab.

Aezkoako Batzarre Nagusiak borroka feministaren alde hartu duen konpromisoa berretsi nahi du, indarkeriarik gabeko gizarte demokratiko bat eraikitzeke bide eta tresna nagusia den heinean.

LAUGARRENA.- BATZARRE NAGUSIAREN ESPAZIOAK ETA LOKALAK ERABILTZEKE ARAUDIA HASIERA BATEZ AZTERTZEA

Batzarre Nagusiaren eraikinetake espazioak erabiltzeke araudi eredu bat aurkeztu da, duela urte batzuk egin zena, bai eta araudi alternatibak ere. Gaiak araudi osoa modu zabalagoan berrikustea eskatzen duenez, Osoko Bilkurak eztabaida atzeratzea erabaki du, entregatutake dokumentazio guztia berrikusi arte, eta etorkizuneko erregulazioan bai ondare-ondasunak bai lbarreke etxeko bulegoak eta aretoak sartzea planteatu du.

BOSGARRENA.- BICIMUGI PROIEKTUA.

Joan den urriaren 22an bilera bat egin zen Nasuvinsako Ariz eta García teknikariek, Kreanek idatzitake obra-proiektuaren arabera Bicimugi proiektuaren barruan egin beharreke jarduketak aurkezteke. Lehengaien prezioen igoera dela eta, bilera horretan proposatutake jarduketetan murrizketa batzuk egiteke aukera planteatu dute. Hasieran egindake aurreikuspenean, 2020an egindakean, orain egindakean baino jarduketa gehiago zehaztuta zeuden. Batzarre Nagusiak baztertu diren jarduerak zerrendatzekeskatu du, jasota geldi daitezen eta etorkizunean beste deialdi batzuen bidez finantzatu ahal izan daitezen, adibidez, Explora Sarenean:

1. Hormigoizkoko zoladura, Aezkoako barrutike mendebaldera dagoen malda ertain-pikok duen tarte batean. Aurrikusia dago pasabide kanadar bat egitea orain dagoen eskortearen ondoan. Presidenteak galdetu du ea posible den 4 metrokoko bat instalatzea, bidearen zabalera hartzen duen oraingo atearen ordez. Proiektuaren aurrekontua dela eta, eta 4 metrokoko pasabide kanadarra jartzeak oraingo eskortea kentzea ekarriko lukeenez (ez daude ziur hala egin nahi dutenik, batzuetan giltzarrapoarekin ixten baita, ibilgailuak igaro ez daitezen), hasierake ideiarieutsi zaio, alegia, 2 metrokoko pasabide kanadarra

egiteari, atea eta kendu gabe. Jakinarazi da obren lizitazioa hilabete barru edo argitaratuko dela.

SEIGARRENA.- TELEBISTA KATEAK HARTZEKO EKIPAMENDUA OSATZEA ETA HITZARMENA BERRIKUSTEA.

ETB3- Hamaika Tb, IruindarraTB eta Xaloa Tb hartzeko telebista-zentroak eraberritzeko aurrekontua jaso da. Aurrekontuan aurreikusita dago HTTL-TT2 sintonizadore bikoitza eta 3 poloko 7 iragazki jartzea, derrigorrezkoak baitira telefonia seinaleetan interferentziak saihesteko. Jarduera horiek beharrezkoak dira instalatutako sistemak eskakizun tekniko berrietara egokitzeko. Instalazioaren aurrekontua, BEZa barne, 1.967,24 €-koa da. Jatorrizko instalazioan erabilitako banaketa-irizpide berari jarraituz, telebistak hartzeko hitzarmena sinatu zuten erakunde bakoitzak honako kostu hau izanen luke:

Aezkoako Batzarre Nagusiak	459,00 €
Luzaidek	389,00 €
Auritzek	186,34 €
Artzibarrek	191,18 €
Orotz – Beteluk	164,56 €
Orreagak	148,83 €
Erroibarrek	428,34€

Telebistak hartzeko sare komun bat sortzeko hitzarmenean agertzen diren erakunde horiek guztiak (2018an sinatu zen) bilera batera deitu dira, ekipoak behar tekniko berrietara egokitzeari buruz hitz egiteko. Bilera hori datorren asteartean, azaroaren 2an, izanen da areto honetan. Batzarre Nagusiak ekipoak osatzeko erakundeari dagokion gastua onartu du.

ZAZPIGARRENA.- PDR 2021 DIRULAGUNTZEN DEIALDIRA AURKEZTEA. TABERNA-KAFETEGIKO KUDEAKETA

Irailaren 16an argitaratu ziren Nafarroako Aldizkari Ofizialean Cederna-Garalur Elkartearen 2021erako dirulaguntzen oinarriak eta lehen deialdia, Nafarroako Landa Garapenerako 2014-2020 Programaren esparruan (19.02.01 azpineurriak), sustatzaile publiko eta pribatuei zuzendua, 2023ko ekitaldirako.

Jauregiko beheko solairua, zuzkidura eta ekipamendua birmoldatzeko diru-laguntza eskatzeko aukera dago, proiektu ez-produktibo gisa, betiere geroko kudeaketa Batzarre Nagusiak zuzenean egiten ez badu. Bestela, produkzio-proiektutzat hartuko litzateke, eta sustatzaile partikularrek baino ezin dute ildo hori aukeratu. Galdetu da ea laguntza horiek bateragarriak izanen liratekeen Batzarre Nagusiak Pirinioetako planari lotutako inbertsioetarako proiektu estrategikoen bidez emandakoekin, baina ez dira bateragarriak, eta, beraz, ezin dira batera finantzatu auto-karabanen eta Erlan-Irabia ibilbideen proiektuak.

Laguntzen deialdia ikusita, Batzarre Nagusiaren Osoko Bilkurak erabaki du Jauregiaren eraikinaren beheko solairua taberna-kafetegi, zuzkidura eta beharrezko ekipamenduetarako egokitzeko proiektua aurkeztea. Hori dela eta, proiektu honi dagokionez, honako hau onartu da:

1. 2014-2020 aldirako Nafarroako LGPren partaidetzazko toki-garapeneko estrategiak ezartzeko laguntza eskatzea.

2. Carlos Bueno Reca Batzarre Nagusi hobetako presidentea izendatzea laguntza izapidetzeko ordezkari.

ZORTZIGARRENA.- HAINBAT

1/ Garraldako Udalak egindako proposamena.

Garraldako Udala etengabe aztertzen ari da zer neurri har daitezkeen (ekonomikoak, instituzionalak, kulturalak, sozialak) Pirinioetako biztanleriaren gainbehera geldiarazteko, eta Udalbatzako kideen artean diagnostiko partekatutako bat dago: egoera hori ezin da zuzendu herri edo bailara bakoitzak bere kasa jarduten badu. Horregatik, eztabaida horren barruan, Aezkoako Batzarre Nagusiari idazki bat bidaltzea erabaki da, Aezkoako egoera instituzionalari buruzko oharra eta proposamenak eginez, azter ditzan, eta aho batez honako testu hau bidaltzea erabaki da:

Aezkoako egoera instituzionalari buruzko oharra eta proposamena Aezkoako Batzarre Nagusiak azter ditzan:

- Aurrekariak

Aezkoako egungo udalak 1845ean eratu ziren, jatorriz herri guztiak batzen zituen Erdi Aroko Batzarre Nagusia desegin zelako. Banaketa horrek, ordea, ez zuen eragotzi bailarako komunitatea eta Batzarre Nagusia (antzinako Unibertsitateko ondarea kudeatzeko eta aprobetxatzeko instituzio gisa) bizirautea).

Nafarroako Diputazioak 1969an planteatu zuen Aezkoako bederatzi herriak udal bakar batean integratzea. Garraldako udalbatzak bat egitea onartu zuen 1971ko martxoaren 20an, bailarako udal guztiek bezala.

Bi urte geroago, 1973ko martxoaren 28an, Garraldako Udalak berretsi egin zuen Aezkoako udal bakar bat eratzea, Arike hiriburu izanen zuela, eta kontzeju gisa eratzea onartu zuen, baina udalen bat-egitea ez zen gauzatu.

Datu horiek erakusten digutenez, iraganean ibarraren antolaketa fiskalizatu egiten zen, unean uneko arazoetara egokitzeko.

Era berean, abagune honetan beharrezkoa dirudi aztertzea zer antolaketa erakunde -eskualdekoak, udalak, mankomunitateak eta abar-behar ditugun biztanleria aetzaren arteko lankidetzara eraginkorra lortzeko, gutxienez masa kritiko bat eskuratzeko eta, horrela, biztanleriaren gainbeheraren kausen aurka jarduteko sinergiak sortu ahal izateko.

- Aldatzen joaten den legeria

Biztanleriaren gainbeherak, beste arrazoi batzuen artean, Nafarroako Parlamentuak otsailaren 4ko 4/2019 Foru Legea, Nafarroako Toki Administrazioaren Erreformari buruzkoa, onartzera ekarri zuen. Horren artikuluetan Pirinioetako Eskualdea sortzea jasotzen da (udal honek inolako zalantzarik gabe proposamena babesten du) eta herritarrengandik hurbilen dauden erakundeak egokitzeko zerbitzu publikoak optimizatzeko.

Ukaezina da Aezkoa ataka historiko berezian dagoela, eta horrek hausnarketa sakona eskatzen duela gaur egungo egoerari buruz eta atzetik datozenentzat proiektatu nahi dugun etorkizunari buruz.

Garraldako Udalaren ustez, biztanleriaren gainbehera etengabea denez, etxebizitza, enplegu edo zerbitzuen arloko ekimen kolektiboak behar direnez eta lehen sektorea murriztu denez, azterketa zorrotza egin behar da.

Izan ere, biztanleriaren gainbeherak baditu elkarren artean lotuta dauden arrazoiak. Landa-eremuak jasaten duen bidegabekeria sozialak hirietara jotzea eragiten du, bertan eskaintzen baitituzte Aezkoan ez ditugun oinarritzko zerbitzuak: lana, etxebizitza edo zerbitzu publikoak.

Komunitate aetza eraikitzeke beharra

Baina dena ez da besteen erantzukizuna; onartu beharra dago Aezkoako erakundeek ekintzak eta ekimenak egin behar dituztela Aezkoako herri guztiak integratzeko, eta gogora dezagun, guztien artean 853 biztanle baino ez dituztela, eta askoz ere gutxiago direla egiazki bizi direnak.

Udal honen iritziz, Abaurregaina, Abaurrepea, Aria, Arike, Garaioa, Garralda, Hiriberri, Orbara eta Orbaizetako biztanleek ez dute komunitate aetz homogeen bat osatzen, herria bailara baino gehiago lehenesten dute, eta horrek biztanleriaren gainbehera geldiarazteko jarduera bateratuak bultzatzea zailtzen du; izan ere, gure herrien tamaina dela kausa oso zaila da herri bakoitzarentzat ekimenak hartu ahal izatea.

Gure udalen ezaugarri komun bat da oso biztanle gutxiri zerbitzuak eman behar izatea, eta gastu arruntek edo inbertsioek aurrekontuak deskonposatzen dituztela, eta horrek, ezinbestean, gizarte-bizitza galtzea eragiten duela.

Egoera horrek udalerri batzuk desagertzea ekar dezake, ezinbestean; eta ikuspegi hori aurrean dugula, honakoen artean aukeratzea dago: saihestezina dena etsipenez onartzea eta, horregatik, eguneroko arazoak kudeatzen aritzea edo historia aldatzen saiatzea.

- Pentsamendu bat partekatzen

Garraldako Udalak ez du onartzen gure herriak erremediorik gabe desagertu behar izatea edo parke tematiko bihurtzea, eta Batzarre Nagusiari eta Aezkoako toki-erakunde guztiei proposatzen diegu daukagun eredu instituzionala egungo arazoari egokitzen ote zaion aztertzea, horretarako egutegi mugatu bat ezarri.

Gogoeta horiek Nafarroako Gobernuaren, Nafarroako Udal eta Kontzejuen Federazioaren (NUKF) eta Nafarroako Unibertsitate Publikoaren (NUP) aholkularitza izan beharko lukete.

Ikerketa pausatua izan beharko litzateke, Aezkoako antolaketa instituzionala logikoa den eta bertako biztanleriarekin eta egoera horrekin bat datorren edo egoera iraultzeko errealitate administratibo berri batera egokitu behar den aztertzeko.

Ondorioek kontuan hartuko lukete zer aldaketa egin beharko liratekeen; adibiderako, gure toki-erakunde funtzionamendua optimizatzea edo horiek bat egitea komeni den; zenbat bikoiztasun ezaba daitezkeen; zer abantaila ekonomiko, sozial eta politiko ekarriko litzatekeen toki-administrazio bakar batek, eta zer eragozpen sortuko liratekeen.

Ikerketak udalek bat egiteko aurreproiektu bat planteatzen badu, zehatz-mehatz zehaztuko da toki-erakunde berriak zein eskumen hartuko litzatekeen bere gain, eta zeinek gordeko litzatekeen ondoriozko kontzejuak; nolana ere, egungo muga geografikoak, herri-elkargoaren erabilerari buruzko eskumenak edo toki-ondarearen jabetza mantenduko dituzte.

Era berean, azterketak egungo Toki Erakundeak aldatzeko proposamena gomendatzen badu, gure ustez, berreste-prozesuak bi berronetsi izan beharko lituzke: alde batetik, udal bakoitzarena eta Aezkoako Batzarre Nagusiarena, eta, ondoren, Aezkoako herritarren erreferendumarena.

Batzarre Nagusiak erabaki du gaia aztertzea, haraneko gainerako udalekin batera, Batzarre Nagusiak eta Udalek izanen duten hurrengo bilkuran.

2/ Antolatutako jardunaldiak.

- Cederna Garalur elkartearen 30. Urteurrena jakinarazten da.

- Pirineotako Mahaia, urriak 22: Bi coworking proiektuz jardun zuen, horietako bat bideragarria ez dena jada eta bestea gauzatzearren dagoena. Era berean, ikastaroak proposatu ziren, hala nola baso-lanen ikastaro praktikoa. Bestalde, ikastaro motaren arabera egokitutako espazioen beharra plazaratu zen, tamaina eta ostatua behar den ala ez kontuan izanda.

- Despentsa ehuntzen

Zangozako Merindaderako elikadura-gobernantzaren eredu lurraldetua da. Dagoeneko egin da jardunaldi horietako bat, eta hurrengoia biharko dago deituta.

- Pirinioetako Mahaia (Industria Batzordea)

Mimukai proiektuaren esperientzia azaldu da, Larraun-Leitzaldean tokiko lankidetzak eta garapenerako proiektu komunitarioak, oztopo indibidualei irtenbide kolektiboak emateko, eskualdeko ekonomia bultzatu eta lankidetzak sustatu nahi duena.

- Pirinioetako Mahaia (Ekintzailak)

Atzo bilera bat izan zela jakinarazi da.

- Orreaga-Fundazioa

Bihar bilera izanen da Orreagan, Orreaga Fundazioak deituta, Orreagako Gatazkaren monumentua egokitzeari buruz hitz egiteko.

- Aezkeraren hiztegia

Aezkeraren hiztegi bat egiteko aurrekontua aurkeztu da, Mendaur-Bildumako (Euskaltzaindia-Nafarroako Gobernua) parte izanen litzatekeena, Luzaideko euskararekin argitaratu zenaren antzekoa (Luzaideko hiztegia). Argitalpen honen aurrekontua 3.550,00 €gehi BEZa da. Batzarre Nagusiak erabaki du gai hori Euskara Zerbitzuarekin eztabaidatzea 2022ko aurrekontuan eztabaidatu aurretik.

3/ Pirimakume eskaera.

Pirimakume taldeak jakinarazpen bat igorri dio Batzarre Nagusi honi, aurrekontuaren %1 lurralde horretan emakumeen eta gizonen arteko benetako berdintasuna lortzera bideratzea eskatzeko:

«Gizarte honetan emakumeek jasaten ditugun diskriminazioek genero desberdintasunaren egitura izaerari erantzuten diote, errotuta baitago, eta genero estereotipoen eta rolen ondorio baita; izan ere, gaur egun ere, genero estereotipoek botere harreman desberdinak dituzte. Beharrezkoa da egoera horrekin amaitzea eta benetako parekotasun baterantz aurrera egitea,

bizitzaren iraunkortasunari balioa emanen dion gizarte-ereduaren aldaketa bilatuz. Horretarako, guztiok garrantzitsuak garen bidea egin behar dugu.

Genero berdintasuna ezinbesteko baldintza da gizartearen garapen jasangarrirako eta ongizaterako, bizitzako esparru eta sektore guztietan, bai landa-ingurunean, bai hiri-ingurunean.

Horregatik, PIRIMAKUME, Pirinioetako emakumeen sarea eta emakumeen elkarteak, lanean ari da gure eremu osoan emakumeen eta gizonen arteko benetako berdintasuna lortzeko. Badakigu horri guztiari buelta emateko baliabideak inbertitu behar direla gai honetan, egiturazko aldaketez ari baikara. Lehen esan dugun bezala, guztiok gara garrantzitsuak, eta bereziki toki-erakundeak. INAIK, "Genero Berdintasuna, Nafarroako Toki Erakundeetan. Udal Berdintasuneko arloetako lana planifikatu, kudeatu eta ebaluatzeko ibilbidea" izeneko dokumentuak, 2.7 puntuan, honako hau gomendatzen du: "orientazio gisa eta hainbat txostenen arabera, genero-ekitatea sustatzeko aurrekontu esanguratsuen esleipen batean adierazitako borondate politikoa duen toki-erakunde bat da udal-aurrekontuaren % 1 baino gehiago eskaintzen diona helburu hori lortzeko."

NUKFK "Udal-politikan berdintasuna lantzeko oinarrizko elementua" izeneko dokumentuan, 10. puntuan, "genero-ikuspegia aplikatzeko 10 gako" adierazten ditu, eta horietako batean aipatzen du berdintasun-ekintzetarako aurrekontua gorde behar dela: "8. puntua: berdintasun-planari aurrekontu-partida bat gordetzea". Aurrekonturik ez duena EZ da existitzen. Emakumeen eta Gizonen arteko Berdintasunari buruzko apirilaren 4ko 17/2019 Foru Legearen 23.4 artikuluan, "toki-erakundeek genero-ikuspegia txertatuko dute beren aurrekontu-politikan, eta genero-eraginaren azterketa prestatuko dute bertan", eta 12.1 artikuluan: "emakumeen eta gizonen arteko berdintasunaren printzipioa txertatuko dute beren eskumenetan, eta, horretarako, Nafarroako Foru Komunitateko Administrazioarekin lankidetzan jardunen dute".

Horregatik, eta INAIK, NUKFK eta Berdintasunerako Foru Legeak emandako gomendioei jarraikiz, Pirinioetako udal eta batzarrei eskatzen diegu aurrekontuaren %1 gure lurralde osoan emakumeen eta gizonen arteko benetako berdintasuna lortzeko erabil dezatela.

Une honetan Auñamendi Gizarte Zerbitzuen Mankomunitatea gai honen garapenean lanean ari denez, Berdintasun Teknikari bat kontratatzeko aukerarekin, Batzarre Nagusiak erakunde horrekin lan egiten du benetan egiteko.

4/Larreak.

Presidenteak jakinarazi du leku hauek ikuskatu direla: bazkalekuak, Sariozarren ereindako alorrak eta udan erretakoak. Geroako teknikariarekin eta bazka-larreetako teknikariarekin batera egin da berrikuspena. Ikusi da, halaber, planteamendu berri bat egin behar dela Iron eta Sariozar eremuak nola kudeatu jakiteko, abeltzainekin egiten diren bileretan koordinazio falta eta nahigabea ikusten baita.

5/Jauregiko obren bermea itzultzea.

Tex enpresak 2017an amaitu ziren jauregiko eraikina eraberritzeko obren bermeari dagokion abala itzultzeko eskatu du. Gai hori hainbat bileratan eztabaidatu da, eta, eraikinaren liburua aurkeztea falta zenez (enpresaren eta

obra-zuzendaritzaren konpromisoa zen), abala itzultzea erabaki da. Hala ere, Batzarre Nagusi honek beharrezkotzat jotzen du obra horien garapenarekin zerikusia duten hainbat gai islatzea. Aurrerago, bilera bat egingen da, erreferentziako obrak egin bitartean antzeman diren akatsak jasota gera daitezen.

6/ Toki Azpiegituren Plana.

Udalak finantzatzeko banaketa-sistema berria negoziatzen ari dira, eta, printzipioz, Nafarroako Gobernuak hogeita hamar milioiko funtsaren zuzkidura ziurtatu du, banaketa-sistema desberdinarekin.

BEDERATZIGARRENA.- GALDERAK ETA ESKEAK.

Ez dira egin.

Eta aztertzeko gau gehiagorik agertu ez denez, bilkura bukatutzat eman da goian adierazitako eguneko hamasei orduak eta hamabost minutuak zirela. Errandakoa jasotzeko akta hau luzatu da, eta nik, idazkariak, egiaztatzen dut.